

護國九天宮

敬告世末劫



護國九天宮

敬言世末劫



警世末劫

目錄

玉旨	欽差大臣金闕上相 諸葛武侯	04
序	本宮主席 九天玄姆	06
序	南屏道濟古佛	08
第一篇	敬畏天地 修身遠劫／關聖帝君	10
第二篇	神鬼不昧 禮敬莫欺／關聖帝君	14
第三篇	崇德敬祖 祭祀報恩／關聖帝君	18
第四篇	敬順椿萱 孝道恪全／關聖帝君	22

第五篇	遵法守道	本固邦寧／關聖帝君	26
第六篇	隆師重道	民知敬學／關聖帝君	30
第七篇	兄弟愛敬	悌道謙讓／關聖帝君	34
第八篇	友德輔仁	道義信誠／關聖帝君	38
第九篇	敬宗親族	和睦昌榮／關聖帝君	42
第十篇	敦親睦鄰	里仁德風／關聖帝君	46
第十一篇	夫正婦順	家和馨香／關聖帝君	50
第十二篇	善教子孫	知禮守法／關聖帝君	54
跋	護國元君	九天玄姆	58

欽差大臣金闕上相 諸葛武侯 降

詩曰：彝倫正心通地天，薪火傳脈道統延，
挽世迷庶翹航設，化劫弭禍警塵煙。

聖示：吾奉 帝闕命，下降蓬萊儒宗東震九天忠孝，賚旨宣詔。神人俯伏，
叩接玉旨。

欽奉

玉皇大天尊 玄靈高上帝，玉旨曰：

朕居凌霄，燮理陰陽，主掌三界，賞罰升降。察鑑世道，時事已非，
視因果爲惑，惡逆違道，喪人倫綱常，乾坤顛倒。今之世人，極巖神
靈，滔天大過，陰損鷺德，寡廉鮮恥，君臣無道，父子不倫，夫妻破
鏡，兄弟鬩牆，朋友失信，任恣淫謀巧奪，所造諸惡，天降劫誅。

自上元甲子至今，歷戰火鋒天，人民塗炭，哀鴻遍野，水、火、瘟疫、

饑饉、冰雪、雷雹、地震，皆由爾人心所顯，積惡所致。雖云「君不教而誅謂之暴」，上天好生，豈忍降劫收其冥頑？天道無私，唯德是輔。斯有仙島北蓬九天儒宗，先天一炁，道統薪傳，萬年香火，綿延不墜，關卿請命，設鸞闡教，藉神道以救世，拯迷途之衆生，返登彼岸，同挽諸劫。

查爾北台護國九天宮忠孝堂，大道應運，明師駐守，諸子立愿，欲挽狂瀾，隨師輔道，其心誠恭，請旨再造金篇。朕心大悅，遂賜旨乙道，令金闕上相諸葛武侯傳朕御詔，題其書名《警世末劫》共計十二篇。命忠筆林生爲主著正鸞，關聖帝君爲主著仙師，每逢鸞期，下壇著述寶篇，指迷醒覺，化災弭劫。待書成之日，關皇萬壽繳旨三冊，三曹對案，論功行賞，神人共效聖命，勿負朕意。

玉旨已頒，欽哉勿忽，叩首謝恩。

龍飛鳳舞天運甲午年孟春端月二十日戌時

本宮主席 九天玄姆 登台

詩曰：末劫當頭警世言，度化迷頑脫苦淵，
天災懲罪民惕省，神道設教著金篇。

聖示：吾今下鸞臺，爲聖書《警世末劫》作序。

夫天地無私，惟德是輔。世風日下，人心不古。上古堯、舜，古風純樸，知天敬天，禮守人倫，屋漏見省，慎獨戰兢。是也。心畏神鑑，人
民樸質，素守其位，其歷經龍漢水劫，藉劫收伏人心，而以道治世；
及至周末之后，人心危盪，漠視天地造化之恩，君王無道，諸侯相對，
結怨而私，烽火連年，赤明火劫盡收惡煞，雖無道可止，然眞道隱遁，
時有善教賢德者輩出，重振仁義，各度有緣，稍可化劫；白陽清末，
同治上元甲子至今，道運變遷，自由無度，亂權失序，無君無天，四
維不張，國家傾頽。不仁不義，民風敗喪，何有道德之偃？儒不儒、
道非道、佛無佛，各逞乖舛，遍地烏烟瘴氣。

至此境地，上天欲降劫誅於世，善惡同收，化於灰燼，欽定延康罡風

大劫，收盡冥頑。五聖不忍，同跪金階，叩求天心挽轉，願設鸞堂以神道教化，或可挽善而齊登彼岸，勸惡以醒悟迷津。諸聖真各發宏愿，以身化劫，天皇慈允，准予所奏。命關聖帝君主宰文運，若有恪守五倫八德，實心修煉者，不受罡風所誅，善惡終須分班。

儒宗應運下元，重整人倫道風，北台護國九天宮忠孝堂，諸子代天宣化，架設慈航，誠心上稟，天恩垂纓，令賜著書，名曰《警世末劫》。關聖忠義參天，降妖除魔，正合天運氣數，扶鸞盡洩倫常道義真詮，字字珠璣，通天徹地。此書期期鸞藻聖言，足可棒喝醒愚，聞閱者視若珍寶，莫以輕蔑。日后备書編輯付梓，焚繳上界，天榜錄記。助印流通者，各依其愿，善功俱勉，消災添福；若視之荒誕汗巖，口舌造惡，阻礙善書流閱，善惡陰司依其所造，減福三分，消祿籍三世。值此著書前夕，吾特勉序於書首，盼聖書金篇警惕人心，痛改前非，迷途知返，共挽末後浩劫，是爲序。

天運歲次甲午年端月二十七日

九天玄姆降序於蓬萊護國九天宮忠孝堂

南屏道濟古佛 降

詩曰：善惡禍福一心間，道盤運轉甲子年，
儒風化劫消弭禍，警惡世民醒迷顛。

聖示：吾濟顛奉命降壇，爲聖書《警世末劫》作序。

正逢下元，儒宗應運，天命昭顯，天開文運儒風，以仁義心性道德之教，警世挽劫。

斯世人心，浮蕩不安，競囂科技，心靈空乏，時間利慾薰心，背道而馳，人情疏離，殺盜頻傳。士、農、工、商，不謀正道，巧詐奪利，各取所需，違反天道根本，其行私所欲，變本加厲，淫禍無止，善氣不張。本有良知至善，卻因利誘趨於邪徑，惡風習染，變本加厲，致使上干天怒，下降劫災。今民心不古，敦良不再，男女俱泯其性，顛倒愚弄，禍國殃民者，多如河沙。天災末劫，應於白陽，惟民自造之

孽，非天之劫誅。

五聖同領 帝命，設鸞以闡化教民，眞理醒覺迷心。諸聖眞爲挽世道，無不傾力，同顯金身，救挽度民，復歸正道。故聖道之顯，以救人心，早悟本來；浩劫之降，藉禍災以警世迷頑。逢此末後，邪風遍佈，非道之理，混於世塵。關聖奉 命除魔誅邪，正氣浩然，沖霄天地，以此正道化災弭劫。值此護國九天宮忠孝堂奉 旨著作天書《警世末劫》寶篇，其文辭簡義賅，字句良箴，猶如針砭濟世，可醫痼瘵之症。老衲盼此書著成付梓，人人各悟金篇聖義，知省而修德，日行一善，悟道遵行，近則加勉道功，遠則福佑後世延綿。

道濟古佛降序於護國九天宮忠孝堂

天運歲次甲午年孟春端月二十七日

關聖帝君 降

詩曰：天威莫測存至誠，奉行莫違禮修身，
因果不昧鬼神敬，立德正心避災刑。

聖示：吾奉旨降壇，著作寶書《警世末劫》首篇。

夫天之無際，杳冥無邊，地之俱形，厚載群黎。天高地廣，其德至上，誰與倫比？人於天地，得以配位三才，乃稟性於天，此天下至恆之性，本俱其德，故孔聖云：「天生德於予」實天人之相通。天高如耳目，地厚如股肱，人存天地間，若無天地戴載之恩，萬物豈能長生？人之有性，靈思清明，萬物靈首，受大日月光照，承地百穀養民，得受其惠，當恩感而效習。

天經地常，人倫之綱，聖人設教，扶振靡亡。上古歷朝，君王將相，祭祀於天，無存私欲，得天之賞，行恭於謹；卜筮天威，難以測兮，

敬畏慎恭，何敢不遵？下達於民，其命有則。倘天不依君相，則必有異星厄兆，顯之天象，既觀天象地，當履遵天命，立守人倫，莫敢逾越。皇天后土，司命於德，君相無德必無道，百姓擾之，其命攘之。受君而佑，方保安平，君之無德，天命劫而殃之。《詩經》云：「天之怒，無敢戲豫；畏天之威，于時保之。」天威莫可不敬，人心豈敢戲蔑？明哲保身，則天命常保。

君王若無道，昏庸如桀、紂、幽、厲，則無恥敗亡。歷朝至今，遵天效地者幾希？逆天忤地者，不知天恩地德，自命為高，貪淫造禍，難以指數。所謂天作孽猶可為，自作孽不可追。皇天無親，惟德是輔，若無德，豈受皇天護佑？若非善，何得天神地祇相助？上天厚恩，視察明鑑，人間有難，必有其因，國運昌否，攸關君王之德，天災殞殛，實傷其德所致。上至君王，下至民庶，誠以修身為本。身不修，功不積，德不累，莫敢承天地吉氣所庇。世間劫難，大至刀兵災厄，下至各人疾患之症，皆有所因，自受其果。

天地察鑑，豈有無知？劫難有遠劫、近劫、明劫、暗劫之分。遠劫者，累數百年而成，成則顯果，刀兵戰亂是也。近劫者，國畛之域，當代顯報，民心凋弊，不守道德，盡損私慾，成其氣候，雷雪風暴，天禍侵之。明劫者，自身爲惡，生活不調，現世應報，自償其果。暗劫者，無故意外，無故猝亡，無端生禍災，無事而生災，其禍因早種，或前世爲惡，或祖先遺禍，非眼前可妄知蠱測。

人心危蕩，視劫斂爲自然循環所致，不明劫禍警世乃人心叛道，傷天害理，暴戾之氣，壞亂陰陽失衡，種下禍因，果自成形。既是劫由人造，則知劫須人化，化人必先省心，省心化性，禍福自明。德不延祚，必受天懲，倘知敬天神威，顧諟天之明命，則人心莫敢不畏。是以孔聖知畏天命，莫感不敬。人神之繫，惟誠而已。天地在我，行其忠義，天心即人心，敬天則敬神，神靈不在外，舉頭三尺方寸間。天聽自我民聽，天視自我明視，莫存僥倖，慎履身心。

警世乃上天厚恩，扶鸞設教，鸞文濟世，點化迷津，心誠天地，則福澤佑

蔭，災遠禍離，景星慶雲，隨爾所造，各施吉報；不信因果，不畏神靈，無敬天地，其禍必召，自得殛刑。關帝示訓，俱遵而勉！

帝君曰：親近有德，遠避凶人；隱惡揚善，利物救民；回心向道，改過自新；滿腔仁慈，惡念不存；一切善事，信受奉行；人雖不見，神已早聞。加福增壽，添子益孫；災消病滅；禍患不侵；人物咸寧，吉星照臨。

關聖帝君 降

詩曰：忠孝節義凜至誠，不虧正心堪作神，

暗室莫昧天地鑑，警世箴言伏魔嘖。

聖示：吾奉 帝命，降爾北蓬護國九天宮著作聖書《警世末劫》篇。

竊以天玄地黃，陰陽二炁，燮衡天地，其中有司。天之司，風、雨、雷、電，各俱其職；地之司，山、川、龍、虎，各俱其靈，是以能燮理權衡諸靈諸炁。

上古君王祭祀於天，敬畏恭凜，上禮諸神，下佑萬民，是吉福、是凶禍，惟賴君王至誠之德蔭佑，社稷之安平，抑或疫癘之災疫，自有陰陽氣數。《書經》云：「惟上帝不常，作善降之百祥，作不善降之百殃。」天地之間，神靈縝密無私，善惡之行，時通上下，豈有逃其雷鑑乎？

時運于今，白陽顯世，人心澆離更勝從前，其不信神靈、造惡逆天者不勝枚舉；毀謗神靈、妄言迂腐之說，欺天欺神，難以指數。吾《覺世經》云：「凡人心即神，神即心。若是欺心，便是欺神。」心之神，天賦之本性，心不存正念，則神性蔽暗，心神若有不正，其神光何以凝聚？世道靡淫，胡作非爲，不盡忠孝人倫，不履節義廉恥，乖逆失道，造孽罪追，惡籍作冊，積案如山，不畏皇天之鑒察，暗損道德之昧心，鬼神視之嗤鼻，貪嗔痴妄，時聞諸心。世人自高我執，不行克己之禮，暗室虧作，瞞天欺世。

所謂順天者昌，逆天者亡。鬼瞰其世，記錄分明，豈是爾等無知，不信其神其鬼而自以爲無存？《中庸》云：「鬼神之爲德，其盛矣乎！視之而弗見，聽之而弗聞，體物而不可遺，使天下之人，齊明盛服，以承祭祀，洋洋乎如在其上，如在其左右，夫微之顯，誠之不可揜如此夫。」世人不明天地鬼神幽遠之道，莫以鬼爲陰，神爲陽，名之陰陽二炁之交，無其靈應，無知無覺，其謬言大矣！

鬼之名，其心惡念召感，集其不正之氣，離道昧心，不見天日，時聚暗地之所，陰濁自墜地獄深淵矣。神之名，人心之至善，集正義之氣，功久而純，純陽上升，玉清光明之天可至也。然神靈赫赫，如日光照，其性輝煌，人人可修，故過化存神，大而化之謂之聖，聖而不可知之謂神。神也者，妙萬物而言者乎！

是以聖人存神，敬畏天地鬼神，教仁教義，履忠履孝，盡人道、守綱倫，待其身歿，清靈上升，自能成聖成神。非爾世俗無知之輩，見之無形而膽敢行逆天之舉，當知屋漏之行，十目所視，十手所指，奉勸諸民，慎獨慎爲，切莫欺心。

如今世道日下，天下諸民，信天道而舉五倫者，少之鮮矣！多見欺天欺人之輩，信邪說、走邪徑，造其神諭，假其神說，自性不省，怪力亂神，自道圓說。聰明正直之謂神，慈悲智慧，清靈自在，怎會愚弄善男信女，實乃人心裝神弄鬼，反誣陷鬼神之清名。上天有好生之德，不忍下界愚民無道可修，歷代聖賢著書立說，綿延中華道統。卻鮮見

世人悟通妙典，信奉科學爲至上，摒棄經典如敝屣。

神明俱清，明察秋毫，造因惡果，必有報應，種善吉祥，福蔭子孫。

尤盼末世之人，諸惡莫作，衆善奉行，是爲解災消禍之良方。關帝

示警，句句惕明！不信吾言，青龍偃月刀絕不留情。

《關聖帝君覺世真經》：

「有能持誦，消凶聚慶。求子得子，求壽得壽。

富貴功名，皆能有成。凡有所祈，如意而獲。

萬禍雪消，千祥雲集。諸如此福，惟善所致。

吾本無私。惟佑善人。衆善奉行，毋忘厥志。」

關聖帝君 降

詩曰：崇德報功敬祖玄，修身積德造功田，
承繼宗祧顯家道，彝倫不墜天佑賢。

聖示：吾奉 命降鸞著作寶書《警世末劫》篇。

竊以木根水源，祖玄同根，血脈相連，克紹箕裘。古昔周興，祀祖配天，《孝經》云：「郊祀后稷以配天，宗祀文王於明堂以配上帝。」聖王祭天祭祖，行其禮、奏其樂、踐其位、修祖廟，以享春杓，夏禘秋嘗，昭祀祖宗，德興於民，其功不忒，通於幽明。天帝配德，循周禮而不墜，下民察其典而學其規，敬禮莫違，其神來饗來格，存神敬儀，方能享其德昭。

時遷俗衍，禮儀失落，祭天敬祖，今人多疏而棄離，無心尋祖探源。祖先之來，成其血脈，木幹之根，衍繁分枝。古今典制已異，然同根

同氣，千年彝倫，根脈何有不同？如今祀祖典章，其儀殊簡，其神不祀，其制不規。

觀世俗戾氣冲霄寰宇，各逞私慾，幾人崇德報功，嘉饗祖玄遺澤？《禮記》云：「萬物本乎天，人本乎祖，大報本反始也。」人既知報本反始，由乎祖根，何以數典忘祖，不知敬溯祖靈，反遺忘祖先之育我、劬勞之恩？曾祖考妣，其序昭穆，德之有位，必享其祀。爾等後人，視之高曾之魂已遠，近代椿萱、考妣，尙未盡祀之恩，然古宗久祀，荒陲殘骸，不知回顧祖德流芳，反心生厭嫌，好享踴躍之娛，樂爾孥妻之歡。誰盡其力，何盡其職？不知反本報恩，卻沾沾自怡。

現世人等，福田顯報，恣意由己，不明祖德，福蔭厚享。《易》云：「積善之家，必有餘慶；積不善之家，必有餘殃。」不知繩繩克繼，宗祧祚福，各受其澤，方享福身之報，一旦福盡，殃禍現前。縱知祖源，勉而祭、簡儀品，粗茶淡飯，一羹一餚，若無誠意敬奉，表裡不一，其禮既違，不如不祭。孔聖云：「祭如在，祭神如神在。吾不

與祭，如不祭。」是以祭者，禮之所由生也，仁心出乎誠也。心誠意嚴，身德禮顯，不存私慾，方不致褻瀆祖靈矣！

上祖遙遠，近祖在前，春秋二季，當以備薦時食醢醢，陳其宗器，列其衣裳，安誠以祭，閤府同心，禮敬馨香，祝禱祖靈神座，左右序列，儀典祭器，皆有慎重，非以潦草敷衍，無心敬奉而疏忽。天地明鑑，有者後代子孫，誤以神位木置，棺槨蘆墓，無神無靈，不循春秋而祭，當知三代之堂，各有宗親祖脈，切莫忘卻敬備祭禱，倘時日久遠，年代荒蕪，任孤墳土圯傾毀，祖靈骨骸遺忘，無人祭拜，青山骨淒，誰能知之？

每逢春秋祭禮，清明時節，司察日夜遊神、北極玄武皆有通報，祖墳無祭、祖先無馨，皆錄之分明，並依其心所思，不誠者記其過，不禮者愆其刑，久處荒湮、無人祭祀者，各禍殛報，不得將功補過。

中華古道，倫常彝序，制其儀、定其章，禮規繁冗，確有其寓意深遠、人文教化之意涵。今禮疏簡，失根忘本，人心不復古，道德拋遠霄，

後世離德，不知省覺。吾今所示，乃警世人，知恩報本，莫忽其源，稍有輕怠，日夜查錄，不聽示警，福盡禍臨，歿後刑獄，受盡焦銅之苦，關某依衆生所作而誅刑不赦，慎思謹行！

帝君曰：若存惡心，不行善事；不存天理，不順人心；不信報應，引人做惡；不修片善，行諸惡事；官詞口舌，水火盜賊；惡毒瘟疫，生敗產蠱；殺身亡家，男盜女淫；近報在身，遠報子孫；神明鑒察，毫髮不紊。

關聖帝君 降

詩曰：敬順椿萱孝道先，天經地義恪守全，
修身樂善吳瀆報，倫綱行持蔭後賢。

聖示：吾降壇奉 旨著作寶書《警世末劫》篇。

夫天地之性人爲貴，人道恪守，天經地義，孝道爲先。父母恩德，同比昊天，倫常之首，孝悌當前。所謂孝爲萬善之首，百行之先，人子受此父母養劬之賜，可有敬順無違？

《詩經》云：「哀哀父母，生我劬勞，欲報之德，昊天罔極。」夫孝者，天之經也，地之義也，民之行也。懷胎十月之辛，三年養育之苦，十年幼兒教養，雙親何曾哀怨？爾等人子，夜半俯思，可有感恩盡孝？獨不思父母無怨無悔，盡心付出，犧牲日夜，憂懼子女身傷，衣暖受寒；若有痘疹之疾，祈禱神前，抑或關煞災近，哀求已受，莫要子女

苦難承之，其思其心，爾等人子可感其心？

雖曰人爲萬物靈首，卻不及禽獸之屬，何以如此？禽獸雖無聖人之教，卻也知人倫之德。且觀鳩飛而知喚友，鵲聚而知呼朋，羔羊亦知跪乳之恩，烏鴉自曉反哺之義，蟻得食而共聚，鹿得草而成群，禽畜之心，尚知有其孝倫之序，何以人世卻失孝道，不知反省？殊不知鬼神最忌不孝人，未盡孝道，先損福澤；不履孝行，其報必速。現今世俗，道德沈淪，不循中華古禮、人倫綱常，競多仿效歐風美俗，不祭祖宗，父母垂老，不加問問，根本未盡，先圖享受，孝字易書，行之艱難，無違之義，有誰順親而無怨？觀之人前，鮮矣！鮮矣！

事親之道，當知居則致其敬，養則致其樂，病則致其憂，喪則致其哀，祭則致其嚴，此五者備，可謂之事親也。人子孝親，先愛惜自身，身安無病無慮，可免父母之憂思。子云：「身體髮膚，受之父母，不敢毀傷，孝之始也；立身行道，揚名於後世，以顯父母，孝之終也。」人子惜身，且知行道修身，當爲回報雙親之孝恩。

《詩經》又云：「無念爾祖，聿修厥德。」然修身從心，心若不正，其行自乖，其徑自忤。人子所言所行，可有謹慎體察？倘不知修身，而行梟獍之舉，欺詐偷盜，荒淫失態，貪嗜飲酒，好勇鬥狠，在外所作，害人害己，身陷囹圄，罪咎難赦，輕則刑獄牢災，重則死刑，如此斷送一生，雙親白髮痛哀，桑榆淒涼，晚景難堪，孝道無存，鬼神譴責。此大逆不孝之輩，人間活罪煎熬，死後地府極刑，因果報應之真，切莫以身試法。

再言有者人子，不知晨昏定省，婚嫁成家，卻疏老親頤養，貪歡行樂以自娛，老親孤獨幾人聞？家居宅室親妻孥，美味豐餐二省無，雙親欲近子媳前，百般言語譏諷斥，一老在家非一寶，子媳之間嫌隙吵。父母身疾無力可自保，精神不濟，何人明瞭？重症無人憐，此身醫治，耗費不少，父母之身，人子在旁照顧幾許？親者無親，憂患雙老，重症臥病不起，侍奉湯藥，膝下已無歡，幾人孝道至此，捨身顧親無怨？抑或老養院孤寂終身，此情此景，哀痛至極？

爾等若行不孝之事，天道無私，禍福清鑑，不知善盡子職，享樂自娛，不體父母，任恣生計，則一日一過，棄養失柁腹之過，則減其福祿一分。人之爲善，不如敬孝活佛雙親，人倫不盡，功名利祿何用？孝心不起，修行打坐，豈不痴夢？

大道儒宗，推行之旨，非有虛名口號，當以敬孝父母爲第一善，始終無違，縱盡其終勞，付出畢生，亦難報雙親養生莫德。人子不知行孝，莫因不行而失其本，本廢福盡，災禍立生，歿後閻王定罪誅心，雷殛惡懲逆倫之輩，因果昭彰，疏而不漏，若不信之，吾關某青龍偃月刀絕不留情。

關聖帝君 降

詩曰：王法德本固邦寧，民貴君輕遵道行，
儆罰慎重典治立，復古禮義莫用刑。

聖示：吾今降壇著作寶書《警世末劫》篇。

古之帝王建國，親親仁民，君臣上下，遵天道而行，民之所向，歸順於德治。天示子民，明德慎罰，禮法之治典，循先王禮樂而制。

堯典舜憲，文藻未全，其文未見細則律法，何以民知敬慎守法？《尚書》云：「民爲邦本，本固邦寧。」君王之治，承天威而以德輔民，故王道治世，其德本重。孟子云：「民爲貴，社稷次之，君爲輕。」聖王之道，敬慎厥德，憂民之事，善理朝政，民心自可服矣。

唐虞、周禮，以禮治國，以樂合典，國政之繫，民心爲首，詳查民情，順乎民意，自可治國有道。國有國法，家有家規，法有深意，律本人

情。古聖孔丘作《春秋》、制六經，其中章法，王道治國，以德服天下，故而周遊列國，勸君昭德而治，行仁履義，民知守禮則知守法，民知守法則國安寧。可聞孔聖之言：「道之以政，齊之以刑，民免而無恥；道之以德，齊之以禮，有恥且格。」上至帝王，下至民庶，皆以修身爲本。修身之法，先守禮而存乎德本，雖有國法亦無法可罰。眼觀末世，行徑背道，民心喪德，朝野不盡忠本，當朝不履君政，暢其議政，口心不一，名爲議士之政，卻不行王法之規。所謂政者，正也。子帥以正，人焉敢不正？身正而令，民可從之；身若不正，其令不從。戡亂重刑典，國亂法無章，民心變相，王道已廢，德綱俱淪，誰可謹德守法乎？聖人教民守德，心存敬畏，則民知其敬，遵循禮義，奉公守法。民若知孝悌之道，則滅蔑倫紊綱之事。王法非在人情之內，重在守禮、敬畏之中。

今之國社，大道王政已盡衰，法治建國淪爲民主口號，君臣無禮，上下無序，民意主權，各言一詞。又有政客，私心巧詐，藉民意而說民

情，謀己利而別用心，典章國法，分立一旁，無人守其法，錯用其心，反變法圖強，民弩當道。王道不復，法治蕭條，民不聊生，社稷動蕩不安，民心不守其本，士農工商，難以各安其道。

王道不再，民心不變，上下交征利，而國危矣。天地垂象，猶感天地陰陽厲變，雨暘失時，歲令不保，風雨不調，節氣紊序，種種刀兵見刑，皆乃人禍自招。

吾降壇奉 乩著作《警世末劫》，其乩示民。天道好還，報應不爽，人若遵法守道，循禮綱維，其咎不降，其禍不召，盡心戮本，守忠盡孝，國法之刑，其可患之？
關帝示警，謹慎惕明！

【警世末劫】助印啟事

本宮奉旨著作【警世末劫】聖書，自甲午孟春端月至蒲月止，歷時半
年，每逢鸞期由關聖帝君降壇著述，共計十二篇，篇篇棒喝醒愚，發人深
省，道義真詮，字句良箴，用詞淺顯，實為修身齊家教化倫常之寶書。

蒙上天宏慈，為使聖書廣為流傳，奉聖諭：特以頒佈殊勝助道功勳如後：

- 一、凡助印寶書乙本，記功三次。
- 二、宣講《警世末劫》道義乙次，各記善功五次。
- 三、推揚善書，廣激賢達親聆鸞音聖藻者，一次各記善功十次。
- 四、若有祈福消災，因果業力未償，准予助印百本，各消一劫，以此累記。
- 五、盼得聞此書，改過而遷善，明因而知果，行人倫可近天道；察陋習而覺悟人生，修真道、行道功，日後百歲，同證天闕。

期盼十方大德善仕，踴躍發心隨緣助印，每本工本費三十元，並廣傳流
通，四處結緣，代天宣化，使人手一冊，讓聞得此書者改其惡念、惡行，廣
積陰鷲福田，改善社會風氣趨於祥和之境。凡助印造功者，本宮將造列名冊
於初一、十五呈繳 上蒼監納，敘錄功德。

護國九天宮忠孝堂 敬啟

關聖帝君 降

詩曰：泰山北斗敬仰尊，師恩隆重列君親，

傳道授業修德煉，春風化雨聖賢馨。

聖示：吾降壇奉 旨著作寶書《警世末劫》篇。

夫以師道隆尊，上仰杏壇洙泗，下美鹿洞濂溪，敦崇教化綱常，暢行禮義彝倫，此師道傳承繼文明之興盛，其德高矣。

古聖明君治世之要，禮義爲本。《尚書》云：「天佑下民，作之君，作之師。」古學無師不傳，君道無師不彰，嘗聞「師者，傳道、授業、解惑也。」師者傳道，效法天地，遵循彝倫，聖人以禮教而誠乎君王。故師德體天而率性教民，君子成之以身範，上至君主，下至民庶，無道不爲師，無師不成聖。人之有惑，不經師解，終無可知。師恩如泰山北斗之仰尊，教化民心，知禮明義，其德可比山高，故可位列天地

君親之大節。

尊師必先重道，若無嚴師，倫綱律禮，愚夫愚婦，豈知其義？《禮記·學記》曰：「師嚴，然後道尊；道尊，然後民知敬學。」師不嚴，道何尊？道義不明，如何教民？民不知其禮，不知天道，綱常必然敗壞，天道蕩然無存。

人生於世，幼稚笄年，八歲入學，掃庭滌心，進退守禮，啓蒙而學，師長教育，啓蒙爲根，孝悌爲首。孔聖云：「謹而信，泛愛衆，而親仁，行有餘力，則以學文。」進退而明信實，親仁而知孝悌，此爲本也。聖賢之道，首重力行親倫，方符天道之本。所謂「本立而道生，孝悌也者，其爲仁之本與！」及至成人，成家立業，交際往來，亦不離德業修養，學無止盡，師學所傳，即是重此人道而已。

然大道廢，有仁義；人倫廢，出奸慝。學以用，非在博學，旨在明天理、敦人倫。縱學以才高八斗，飽讀詩書，其心無道，德無涵養，反藉此師學之傳，錯用才智，惑害民心，假政治朝野，干議國事，口佞

筆伐，紊法而亂章，德既賤廢，學之何用？師道德學已喪，罔學做人，豈不忝爲萬靈之首乎？觀今之世，變本失德者，多如牛毛；師恩不報者，猶如沙數；功名利祿，富貴權達，求者多矣！希聖希賢，天爵存心，求之鮮矣！挾利以害師、挾權以仗師、挾私以辱師，難以計之。尊師重道，感恩圖報，有誰知恩而飲水思源？師道之隆恩，身爲生徒者，承授其業，萬民皆有師學之源，當能重道以報恩，一日爲師，終生爲父，恩師之教，有如再造之恩！猶見古聖顏回得一善，拳拳服膺，莫敢失也；一簞食、一瓢飲、居陋巷，不改其志，此志而上學於師德，傳之而效師於仁義，此爲尊師重道之範也。又如宋人楊時、游酢，敬重師德而有程門立雪美談。聖人教化不居功，教化英才以自樂，誰能如至聖因材施教、有教無類、誨人不倦之道德風範乎？

下元甲子至今，聖教凌夷，民風不知敬師，受恩不體師德，枉費人徒之本。身爲師者，亦無古聖之德，不務正業，不修身德，未能諄諄教育英才，早失人師之範。師不嚴己，道無從尊，生民何以效法？聖學

經典猶如草芥，心無聖教早失規矩，道義棄如敝屣，子弟者敗德墮落。吾觀天下，亂其師道，惡風不止，任以糟踏，欺師而背義，作賤而自毀，教育沈淪至此，劫煞豈可不生？天災疊顯，民心無省，不知悔改，不明師恩，大劫一至，如煙夢幻，雖陽世能逃法刑，歿後陰律，誅心難赦。

奉勸世人，師德難報，欲報師恩，先守人道，修身謙養，盡本而達天理。若有不遵，禍刑天雷必誅，莫以僥倖，視如嗤鼻，不畏因果，天律昭刑，勸爾三思，慎之奉行。

關聖帝君 降

詩曰：伯仲至情悌義深，兄弟同氣枝連根，
敬讓和睦宜室樂，棣萼交輝慶天倫。

聖示：吾奉 旨降壇，著作寶書《警世末劫》篇。

夫人倫繫於父母、夫妻、兄弟三者俱矣！倫綱既俱，家道自興，親情之中，莫若兄弟至情。《易經》云：「兄兄弟弟，而家道正，正家而天下定矣！」兄弟睦和，其家均安，兄弟不和，其家均裂。故《詩經》云：「兄弟既翕，和樂且耽。宜爾室家，樂爾妻孥。」

古今承乎天道，維繫人倫之先。兄弟手足，同承父母精血，血濃於水，難以割契也。童稚幼年，左攜右提，學則同步，食則同器，嬉則同樂，至情融合，如木枝連根，何見分疏？君子之樂，莫若父母俱存，兄弟無故，一家同室，形氣馨香。倘兄弟之間，心睽則葉悴荊枝，家道分

崩，祖德難續；性合則華承棣萼，祖上積德，繩繩繼繼，猶如荀龍、薛鳳，奕葉臻茂貴子連孫。若不知一堂和氣，背棄祖訓，兄不友愛，弟不敬長，何可培桂毓蘭，添紫增芬？

兄弟之情，天經地義，及至長成，各居婚室，其心可有連繫？父母若在，兄長攜弟，盡孝於親，順天應理。《書經》云：「惟孝，友于兄弟。」是以孝悌爲人之本也。今之世道人心淪喪，悌道無存，父母一氣尚存，人前貼附和睦，心思背逆，巧智假孝，表面退讓有禮，內心覬覦祖產；待親歿而遠，兄弟各懷鬼胎，各思祖業，分釁取利，何思親魂猶未安，親骸尙未移，豈是兄弟二者不明孝悌？實乃利慾薰心，遮蔽良知，極盡營謀，欲奪家產，因利而爭，因財而分，當知家財萬貫，洋房連棟，縱享一時之富貴，悌道既失，損德減福，家道終落，自毀福田。當知親在兄弟宜融洽，親歿兄弟宜往來，爾等同氣同根，切莫反目成仇，有虧人倫？

觀此末後，親倫不再，道德失廢，幸有雙親，尚可同樂安室。身爲子

者，各居他鄉，離親愈遠，分爨濟親，如同托鉢沿乞，兄弟分清，財務米糧，錙銖計算分明，親心痛如刀割，何希子者懷恩以報？親年老耄，盡孝幾希？兄弟同為親生，豈為長成而細數算清？人生之悲，莫大於此，甚者兄得勢而富貴驕贏，弟者不才，未如兄長之成就，有難求門，竟棄拒千里。兄長不知愛弟，其福德厚祿自損而衰；亦有弟者，奇才福慧雙全，竟欺辱兄長之無知、無能，自恃傲慢，目中無人，實已違人倫道義。

人生於世，豈可踽踽獨行？當須互群互撫，無可孤行自居，一家之中，孤嗣者有之、獨室者有之、同父異母者有之、同母異父者有之，兄自獨長，無弟可慰；弟自獨成，無兄可撫。倘親不在，哀孤可憫，可聞子夏曰：「君子敬而無失，與人恭而有禮，四海之內，何患乎無兄弟也？」兄弟一世續前緣，不敬互愛增業愆，若能敬禮如賓，福澤增添。昔日讓棗推梨之風，今猶無顯；多見惡語相對，計較瞋恨。試聞清聖伯夷、叔齊，捨萬鍾粟，寧餓首陽，兄弟同心，傳為美談；周泰伯三

讓天下，視富貴如雲煙，其德民無得而稱焉？古聖先賢，史記載冊，兄弟如親，能忍能讓，家道安樂；兄弟不合，相爭相殘，兩敗俱傷，兄弟之情，棄如敝屣。

爾等爲萬物靈首，切莫不如雁鴻之序，上下別分，人道悌序，豈可顛倒紊亂？末法亂世，道魔同降，悟知大道可挽沈淪綱常，身之爲人，自當共挽道德靡失，莫違綱紀而自暴自棄。關某警斥，若悌根自毀，劫難來時，呼天搶地，惡報臨頭，雷劫身誅，若有不信，自償惡果。

關聖帝君 降

詩曰：義結同心訂金蘭，誠信情誼比石堅，

友德輔仁繫道義，古聖金言效先賢。

聖示：吾今奉 旨降臨護國九天宮忠孝堂，著作寶書《警世末劫》篇。

竊以君臣、夫婦、父子、兄弟、友朋名列五倫。友朋以誠信輔德，自存其義。道貫古今，人道爲先，親倫繫內，友朋居間，嘗言在家父母親，出外誼友朋，人際往來，患難見真情，是以若無父母而幼教無成，若無友朋而智學難長也。

上古君王何以能治天下？惟以臣賢而忠，信以服民，方才治國理政。臣民信於君，則君政德治，誠之上下，道義繫之；而家道亦由誠而信，維人倫之正也。朋友既列倫綱之屬，當以誠信爲宗，所謂友朋自遠來，不亦悅乎？取其志同道合之意。同道則朋，同氣則友，善以規過，親

諫忠言，可結同心；若結同心，亦猶如親倫之情。心既已相合，其行誼必能守義，則義氣猶如金石之堅，當可誓日指心，結盟金蘭，其友誼情堅更勝於兄弟，故名列五倫。

然觀此末世，道義頹廢，同心稱兄，卻背棄道義，此等之輩，比比皆聞。曾子有曰：「君子以文會友，以友輔仁。」其心無誠，其行不義，其言無信，自無忠誠。信者人言，誠者成言，人無信誠，心口不一，見利思遷，見財私偏，寧可捨義而趨利，小人匪僻，競相走險。孔聖云：「人而無信，不知其可。」信誠則爲友朋維繫之情誼也。猶見古賢，交友慎擇，若貪蠅蚋之臭，必同類相投，其心惟利而昏，何有道義可言？遇困必見死不救，逢難必各奔東西，此貪蠅利之後果。有謂真金不怕水火煉，千金難買道義情，友朋金石同盟契，患難相扶氣浩然。是以賢友難得，知己難覓，孔聖云：「與善人居，如入芝蘭之室，久而不聞其香，即與之化矣；與不善人居，如入鮑魚之肆，久而不聞其臭，亦與之化也。丹之所藏者赤，漆之所藏者黑。是以君

子必慎其所與處者焉！」慎交友朋，不因困厄而變其節，莫因不誠而改初衷，此慎友誼之真義也。

試觀古賢，友誼情堅者，不勝枚舉。季札掛劍，情義永長；元伯、巨卿生死相交，雞黍約盟；鮑叔、管仲知己之交，分金道義；廉頗、相如刎頸之交，忍辱共和；吾桃園結義，可歌可泣。賢德不以貴賤、貧富而交，重情重義，自堪德高。所謂一貧一富，真情乃見，信道不如誠義爲先；無友不如己者，則自心反省吾身，誠如曾子言與友朋交而不信乎！

如今世風澆漓，古賢情義棄如敝屣，患難何見真友情？貪生畏死，道義誰繫；貴爲靈首，俯仰不愧。交友宜慎，既明友朋同心結義，則增益良友，正直、剛嚴、多聞，內謙養德，忠告以導之，方爲益友；倘結交損友，逢迎阿諛，邪言妄語，出入盡是風化淫奢之所，歌舞花街之地；或群激邪僻斗宵之徒，飲酒作樂，呼盧喝雉，賭博同樂，其德無存，無恥行徑，豈有道義之信？其邪心類聚，恐自損其福，小者損

人害己，大則亡家敗產，甚而成爲偷盜之輩，有損祖宗顏面，有辱雙親長上，不孝之至，鬼神鄙棄，其罪豈能赦之？

奉勸世人，欲交友朋，自律正心，君子以友輔仁，自有義利之辨，莫學小人取巧佞非之舉，不省而非爲。身若敗德，禍難必誅刑；不盡朋友道義，包藏私欲，縱是富貴一時，終難逃報應。今生朋友，合道合義，福報加身；失道離德，惡報罰刑。如今白陽末期之天律，現世現報，報應迅速，莫可僥倖。情誼一世，善以珍惜，情比金蘭，天心可證。盡其仁則天地共鑑，盡其義則鬼神敬仰護佑。關某訓詞，示警道義，聞之恭敬，行之禮義，天神必佑，災去禍離。

關聖帝君 降

詩曰：敬宗親族和睦昌，家道繁衍遠流長，

倫常振綱敦孝悌，子孫添桂馥飄香。

聖示：吾今奉命降壇著作寶書《警世末劫》篇。

天生萬物，族繁多類，屬種有別，各行其道。矧況人位列三才，出乎天性，循天遵理，而守乎人倫綱紀。尤以王朝列君，萬民之首，族廣同聚，嫡庶有節，依次受封，稱君佐臣，治國社稷而下服百民。

古帝堯，允恭克讓，以親九族，九族既睦，平章百姓，百姓昭明，協和萬邦。故君王克己明德，率身以禮，堯、舜以仁，可興於民，宗族禮治，統馭萬民。昔宗族大支而生衍蕃，或緣母姓，或各分支，萬姓流脈，分佈廣樞。

歷朝宗族，治亂興衰，時見皇戚嫡庶爭權廝殺，致使民心背離，殃國

禍民。君上無道，分崩離析，國域顛沛，人心流離。爾知水源濬本，流清流潔，分派系合，終歸同宗。骨幹繫根，枝茂發榮，分支萬系，皆屬同宗，物類如此，其理同出。人性良知尚知義理，必明人倫綱常，始於天性，此爲人道奠基始也。

《禮記》云：「人道，親親也，親親故尊祖；尊祖，故敬宗；敬宗，故收族；收族，故宗廟嚴；宗廟嚴，故宗社稷；重社稷，故愛百姓。」亦聞孟聖云：「親親而仁民，仁民而愛物。」家族分流，隨世代而各異。然祖宗源流，本有道義維繫其間，方能生生不息，故聖人同云孝悌始於人道根基。

若有幸宗族繁大，富貧各居，才賢愚肖，同和宗族。倘宗族富者仁義，凡見鰥寡、孤獨、貧瘠，施予周濟，度過眼前困境；或施銀兩，廣佈仁慈；逢生死攸關，亦或貧病交迫，當援以提攜，莫使身殘體弱，三餐不繼。同宗同族，能力不一，知福惜福，所謂仁者以財發身，非以身發財。故家族葉茂枝繁，可爲孝悌之行、仁義爲根，家道必生而光

宗耀祖。

或有同族不同姓，同姓不同根，昔日山林爲居，無契爲憑，惟依碑碣爲界，只憑誠信爲遵，若無糾紛、土地爭攘，則相安無事，和睦生財，各教子孫以孝、以悌；倘族群異思，心偽巧詐，鳩據山頭，攏地自握，離心族宗，以利勾結鄉保官吏，借名改字，雖不同宗，亦能竄令而修條例。爾族本無心，卻見私權拔扈者一手遮天，巧變名目，欺愚弄婦，皆歸己有。縱爾獨富、獨財，所行不義，終究自受雷擊而誅。甚有族支分流，名不顯耀，作奸犯科，不行正道，欺天逆忤，無義非禮，其身失德，已辱喪祖宗之顏。

猶見古賢張公藝，忍辱太和，九世同居，不生族宗嫌隙，兄弟不見閹牆，夫婦知禮合和，父子孝慈，千秋美譽，史錄留名。亦聞范文正公，義田捨助，富貧不一，鰥寡廢疾，皆有所養，其德廣積，其仁浩天。惜乎眼前末後人心，宗族恆大者，心不生仁，家族蕃衍，各取所須，人丁不往來，雖富貴發榮，亦難見施捨貧困，私心作祟，各掃門雪，

豈有仁義可言？

上溯祖宗原始，本為同根源，而今流支分脈，各自繼承，利益自得卻無生禮義廉恥。若知人群天性本由道生，莫分族異不同根，發之至仁而生至義，仁義之身，當廣積道德，以揚祖宗遺德。奉勸爾等，天地無私，惟德是輔，人不行天理，則禍難臨頭，災患刑罰，近在眼前。關某訓斥，不聽善勸，地府刑罰，自見其真。

帝君曰：淫為萬惡首，孝為百善先。但有逆理，於心有愧者，勿謂有利而行之；凡有合理，於心無愧者，勿謂無利而不行。

關聖帝君 降

詩曰：敦親睦鄰懷德風，里仁為美謙讓躬，

親疏相依和堪貴，貧富貴賤道合融。

聖示：吾奉 命降壇，著作聖書《警世末劫》篇。

鑑古明悉，人居野穴，比戶相鄰，食牧而居，相互相望，同聚相依；而后夏稷，井田而分，建於宮室，屋櫛排序，皆有其道。百姓齊心，福同享祚，患同扶持，此種族和親之象也。

孟子云：「出入相友，守望相助，疾病相扶持，則百姓親睦。」況古云記載，五家為一鄰，五鄰為一里，五百家為一黨，一萬二千五百家為一鄉。是以鄉里群黨來往，皆屬親緣戚友，遠親在外，近鄰在朋，相互知勉，患難可扶，此謂之「遠親不如近鄰」。人居鄰里，各適其位，丁口欲興，則倫理綱常循道而行；同戶相鄰，屋櫛相序，守望扶

以助，勿掃門前雪。

人若習古聖賢，修身養德，其心自在公，不以私巧而懷。孔聖云：「君子懷德，小人懷惠。」身躬而謙，莫薄責於人，可遠怨矣！放於利而行，則招怨也。既融睦於族，鄉鄰之內，立德而謹慎，若習孔聖於鄉黨，恂恂如也。言謹而恭厚，上祀宗廟，下睦於鄉里，皆心存敬畏，莫敢逾越，則身之有德，八方來聚，所謂里仁爲美，擇不處仁乎？

近朱者赤，近賢者善，是以德不孤，必有鄰；德不躬，小人遷。古云：「八百買宅，千金買鄰。」仁者敦厚，則可近鄰，不仁者失德，莫以久處。可聞孔聖之言：「不仁者，不可以久處約，不可以長處樂。仁者安仁，知者利仁。」同爲家族，敦親鄉鄰，當知仁者可安宅，不知仁者，恐招不祥之災患，不得不慎也。

胡今之人，不修綱紀，利之所欲，侵擾本心。德之不修，義之不徙，好外遠遊，富逐追利，不捨近親，不恤里民，水火之災，何見富者賑

災挽貧？今之富貴，宗祖餘蔭，方有貴身而顯，卻不知惜福，感恩圖報，遠水不救近火，災臨不聞援救，其性遮蔽，喪心病狂，終有一日，福消氣短，富貴豈能長久，永保平順安康？今之不捨分文，來日轉富爲貧，淪落乞討，此時此境，令人唏噓！

甚有不仁者，同處於鄰，漁肉鄉民，欺凌囂張，狂傲於鄰里，不管男女老幼，盲愚婦弱，不服其勢者，飽拳相向，橫行霸道，里民有苦難言，怒心而不敢抗拒。亦見非仁非義之輩，假以攬權自重，以勢而欺，以利而詐，勾結官宦，結黨營私，縱有一時之貴，行之不義，天地鬼神察鑑分明，倘若不知省修，雷誅而刑，再不改過，罪咎不寬。

《易經》云：「同聲相應，同氣相求。」善惡一念，由心而發。不賢者雖處鄰里之內，遊走法律邊緣，戲虐人間，不服所從者而自受殘暴。小人寄居，自有奸佞之輩，同城鼠狼，集聚相應，邪風相長，時日一久，天降大劫以收惡懲。若不能推仁義之風，此鄰此鄉，若遇災厄摧殘，實非天之不仁，皆爲人自造孽所致。上天縱有好生之德，卻因人



心不德，其咎自招，其禍自擾，莫愆過於天，莫移怨於民。

奉勸諸子，民心匪蕩，私欲暢流，聖賢之仁，早棄於土，惡彰顯世，仁義頹靡，上政而不仁，鄉里而不義，明德之心，未顯於前，關某警訓，三災八難，浩劫臨頭，若不知修身省非，欲求天赦免，緣木求魚。所謂「得道者多助，失道者寡助。」同爲里鄰之輩，必當有難相扶，有災相助，患難與同，仁民愛物，此不失天道里仁之厚德也。

帝君曰：善惡兩途，禍福攸分；行善福報，作惡禍臨；我作斯語，願人奉行。

關聖帝君 降

詩曰：夫正婦順禮敬長，琴瑟同調敦倫綱，
宜室宜家安和泰，門第衍慶德馨香。

聖示：吾奉 命降壇著作聖書《警世末劫》篇。

竊以天尊地卑，乾坤定矣，一陰一陽之謂道，可知陰陽造化之大功矣。化爲人倫之理，則曰君子之道，造端乎夫婦，人倫之始也。

古聖制禮，婚嫁之儀正媒妁，男室女歸，皆以道合而配婚。人生大節，倫理爲根，匹配和合，自有禮數。人道之基，修身以至家齊，夫婦結合而生子女，繼而成父子之親，兄弟之情，各成其倫理綱常之道。

《易經》云：「家人，女正位乎內，男正位乎外，男女正，天地之大義也。」是以夫婦正而家道正，家齊而後國治，國治而後天下平矣！夫婦和合則繁衍生，子孝孫賢，家慶門楣；夫婦失和則家道敗，人丁

絕嗣矣！《禮記》云：「父子篤、兄弟睦、夫婦和，家之肥也。」足顯夫婦之道猶重，不可輕忽也。

觀今世道人心，道德已廢，何人格遵人倫之儀？五倫之要乎？天開覺路，啓化衆生，知守人道之義，效法聖賢，克敦古風，人道在己，豈有外求？修身在心，豈爲表面工夫？觀爾夫婦，離經叛道，不守本位，無視因果，無重倫綱，捨本逐末，輕蔑善良風俗，自勢高傲，各取利益，多如牛毛。更見身爲乾男者，不知好德修身，卻也好色而求，忽視倫常正位，賤壞夫身之責，不盡本份，不安家室，或尋花問柳，或以財賭博，或濫交朋友，或毒癮害身，此心不以家道而存，自損其德而貽禍子孫，傷風敗俗，損福至極矣！

再觀婦女者，此身匹配夫家，好奢散財，好慾貪物，不安份守室，不知孝敬公婆，未盡相夫教子之責。明知婦道之身，未能持守分際，時論夫家財產，或較夫婿能力，或逞獅吼之威、虎脂之勢，口舌利刃，或喜婦舌齊聚，論人短長，或欺夫不才，恃寵而驕；甚者紅杏出牆，

不知廉恥，貽害婦道之德，若至身敗名裂，辱損祖先父母之顏，豈不貽笑鄉里？婦人之規禮，何可不遵乎？

《詩經》云：「桃之夭夭，其葉蓁蓁，之子于歸，宜其家人。妻子好合，如鼓瑟琴，宜爾室家，樂爾妻孥。」夫正則婦順。夫者，扶也；婦者，歸也。夫伏則以道而扶，婦順則以歸而服。夫婦同居一室，若夫者盡乾綱，雖夫言而剛，其正身、正言、正心，足可爲一家之主；婦道依歸夫綱，當學古三從、循四德。父在而從，學婦功、正婦言，日后從夫，婦德闡範，興家淑氣滿門。而不知從父者，出嫁何可從夫？在家不賢孝，夫家豈有賢婦可侍之？翁姑在前，不思敬孝，任恣巧媚，驕慢憤高，不服夫家之嚴，何有德婦米炊之樂？公婆在前，不思枵腹之飽暖，只以自家門面，穿金戴銀，體面迎人，實本末倒置。夫者不伏教婦身，婦者不順歸夫道，陰陽亂位，豈不生乖舛之禍災乎？天道本有常，依德而賜福，若有損耗陰鷲，不盡本職，陽奉陰違，乾坤顛倒，夫婦失道，敗壞倫常，豈得天賜福報乎？時下男女，尋歡作樂，

不喜束縛，好爭短利，父不惜福，母不守本，人子自違父母而造罪生非，比比可聞。縱爾身得短暫富有，卻早消前世累積福澤，待福消業至，終得罪孽報應。

奉勸爾爲夫爲婦，能結秦晉之好，婚姻而合，皆有前世修來之緣。古云：「十年修得同船度，百年修得共枕眠。」夫婦同甘則共苦，互相依扶，以德潤身，必得子孫綿延，蘭桂馨香。

關聖帝君曰：「儒門忠孝，敬天畏地，鸞門之子，遵守綱常，三規正心，四勿正身，孔仁之道，再振儒綱，孟義之道，張乎四維。仁心履仁，義氣浩然，忠心闕志，惟我儒宗。」

關聖帝君 降

詩曰：善教子孫勤修身，謙讓恭謹守禮仁，
淑慝邪正心性辨，滌除陋習恪人倫。

聖示：吾降壇著作寶書《警世末劫》篇。

夫立國之基，民心爲主。治世民心，教育始然，學府立制，聖賢經史，人材訓誨，當依聖人仁義禮教而制規。

修身起於學養而伏其心，齊家必於克己而持其志。孔聖云：「志於道」。民心欲得安定，人倫之本，持守爲依。修於心則心性明，誠於身則思慮清。人材之養，於學蒙之初始，幼童而長，知進而從禮，當可成材。幼教嚴，志於學，安其身，立其命，應對進退，志效聖賢；倘若教養不以道爲志，其行必邪，其心不正，何可身修？何能齊家乎？

一心之主，性善而謂；一身之主，克己而禮。欲化而教，欲教而善，

人道之始，起於孝悌。人行於世間，持家而正家，正家而主敬，心直而厚德，則可為家族模範也。《禮記》云：「毋不敬。」可明主敬而存誠。教育之首，當明心性之源，方能得知淑慝善惡之辨、義利人禽之分，以為樹人之基也。

教育之本，若不明學者何來，極趨名利而求，不知省修謙讓、恭謹、慎獨，反因父母驕寵而使心性變遷，不知明善辨惡，挺以險徑，雖富而傲，貴而驕慢，不知醒覺，自毀前途。所謂「玉不琢、不成器；木不雕、難成材。」養不教，父之過；教不嚴，師之惰。《禮記》亦云：「傲不可長，欲不可從，志不可滿，樂不可極。」教養子孫，猶當慎重，若不知嚴寬並濟，其心苗已不正，期使長成，恐為害世欺盜之輩，何可不慎乎？譬如蒔花之養，其土耨鋤不平，雖為貴杖高藏，不經扶莠而長，任其根爛而殄，則與焦禾稗草何異也？

現今之世，人倫不彰，家不成家，父子不倫，人道靡廢，親情失偏，何有親親以仁乎？何有孝悌以長乎？時下所聞，教育早無禮義廉恥，

人子所學，言不及義，行徑乖舛，心中不思正道，行徑盡皆邪偏，忿怨自哀，憤世嫉俗，好高騖遠，尋樂匪僻。子弟不知學好，反成盜匪，一旦惡貫滿淫，身陷囹圄，爾等父母同陷身敗名裂，家破人亡，非天不仁，實爾世人自造孽而罪追不赦。家道不嚴，父母不以身教德範而作，何能善教子孫修德而增添門閭之厚福焉！

今之人子，若能善以調教，心性伏定，好讀而知進，時以功成，必能培蘭毓桂、成龍成鳳。若人子志不在典籍，無心研究學術，亦可於農、工、商，各擇一技，學以專長，善以適性調養而教，亦能各守其道，同為社稷謀福。

奉勸身為子弟者，教育不在學問高深，皆由心性道德反躬自省。名位利祿非長久，積德陰後振家聲，鯉躍龍門添德高，子孫瓜瓞慶有人。關某正氣鑑臨世間，忠奸善惡，豈有不辨？人心失道，逆違人倫，地府刑罰，判審清焉！不服因果，欺天欺人，惡報來臨，絕無私赦，一切所為，天律定奪，善惡明鑑！

本宮活動啟事

※本宮每逢星期六晚上七點三十分起，星期日下午二點起，設有濟世叩問，歡迎請十方大德蒞臨參香結緣。

※本宮堂每逢星期三晚上八點，星期日上午八點起，扶鸞闡教，歡迎十方大德蒞臨參鸞指導。

讓沒看過善書的人，都能看，是我們的責任；讓不想看善書的人，都想看，是我們的目標。讓我們共同奮鬥，使修緣光輝普照黑暗的角落，如欲助印善書請到各地郵局利用郵局劃撥第一五三一—二五五號修緣雜誌社收。或以匯票、支票、禮券、現金袋寄達，功德無量。

護國九天宮忠孝堂 敬啟

護國元君 九天玄姆 降

聖示：吾今夜奉命降壇，爲《警世末劫》寶書作跋。

夫寶鑑省人迷津，法舟度愚醒覺。天下溺，援之以道；人心危，警世以徹悟前非。

上古聖道，扶振仁義，敦崇古禮，以復道德善風，方挽劫煞襲民；時至末世，陰陽乖舛，人性不變，將聖賢仁風，笑作迂腐，士無志道，農廢耕時，工偷減料，商謀暴利。上天鑑察人心之惡，時顯三災水、火、風劫以示警，何見惕醒者，反省其中造罪根源？何曾聞聽悟覺之士，自懺良知而痛改前非？明察天劫以降誅世塵？

幾近多人無心悔過，而將劫煞視之自然平常。察鑑人心思慮，誰知鬼瞰其室，驚覺自心之惡，當以一念未發，意之未動，鬼神早已記錄分明。覺不怕悔遲，只畏覺後而再犯前過，無常迅速，莫待三寸氣斷，悔之莫及！

今大道運逢下元甲子，重啓明燈覺照，善者有道間修，憑真功實德消災解厄，躲劫避愆；不信大道天命者，各視其前世福祿，日減福澤，口過毀謗，輕蔑神靈，不信因果善惡之報，祿盡則災星降臨，一人失

道，禍及子孫。

斯逢護國九天宮忠孝堂神道設教，本壇再現，奉旨著作《警世末劫》，此寶書自甲午端月中旬至今二月旬日，期期鸞教之訓，關聖帝君嘔心珠璣，句句醒覺迷頑之聖藻，字字肺腑，真仁真義。皇天鴻慈，降下儒宗正道以挽救無明人心，天開覺路，同激聖賢諸神助道，諸生亦各乘大愿同助。

關聖浩然正氣，精忠貫日月，同配乾坤，凜存天地間。此聖書付梓之刻，凡助印寶書一本，記功三次；宣講《警世末劫》道義乙次，各記善功五次；推揚善書，廣激賢達親聆鸞音聖藻者，一次各記善功十次。若有祈福消災，因果業力未償，准予助印百本，各消一劫，以此累記。盼得聞此書者，人人皆知改過而遷善，明因而知果，行人倫則可近天道，察陋習而覺悟人生，修真道、行道功，日後百歲，同證天闕。值此寶書剞劂頒行，爰以書末勉善寶篇，樂以爲跋。

護國元君九天玄姆降跋於護國九天宮忠孝堂

歲次甲午年蒲月初七日

幽冥問答錄·人間地獄記·修緣雜誌
人間地獄記漫畫·修緣寶典·明燈寶鑑 徵求助印

一、幽冥問答錄(每冊助印費三十元)

本書為法律界閩人黎澍先生，身任冥官數年，對陰府審判過程的親歷口述，篇篇具有勸善懲惡之效，是一本不可多得的好書。

二、人間地獄記(每冊助印費三十元)

本書描述當今社會，一切違反綱常倫理之真人事實，道盡不肖份子，欺壓善良百姓，迫人妻離子散，天怒人怨，值得一讀的好書。

三、人間地獄記漫畫版(又名土豆歷險記，上下冊每本助印費八十元)

人間是怎樣的五光十色，怎樣的吸引芸芸衆生，且看濟佛如何帶領土豆化名遊歷這凡塵，本書描繪當今社會，一切違反綱常倫理之真人事實，不可不看。

四、修緣寶典(每本助印費八十元)

本書係彙集民國78年10月至82年10月止，三界高真仙佛降臨本宮揮鸞之聖訓，溫故知新，篇篇皆有醒悟勸迷之功，全書約三〇〇頁，精印一巨冊，是鸞門寶訓之精華。

五、明燈寶鑑忠孝部(每本助印費三十元)

本書列分四冊：忠孝、仁愛、禮義、廉恥。自民國80年至85年止，歷經六年，三界高真降臨本宮揮鸞闡教，提倡中國八德倫理，篇篇金言玉語，實為嘔心瀝血之作。

以上五書，為冀廣印宣化，歡迎各界善德發心，隨緣助印，如蒙助印，請利用郵政劃撥帳號「一五三一一二五五號修緣雜誌社收」，如有祈願亦請註明，並呈疏焚呈 上天鑑納。

捐施護持道場 造福子孫

願我十方大德修緣讀者繼續護持本宮道場，共同來耕種這畝道田，隨緣贊助，多少不拘，均表歡迎。如蒙發心佈施贊助，匯款請利用郵局劃撥帳戶「一九九三三三〇二號護國九天宮收」或匯以支票、匯票、現金掛號均可。若有祈願亦請註明，本宮堂將於收到款項後，寄上感謝狀徵信(不收感謝狀請註明)並於每月初一、十五日誦經呈疏為功德者祈福。

福

每週濟世時間

一、叩問時間：

(一) 星期日 下午二點至下午六點。(限35名)

(中午本宮堂備有免費素食午餐)。

(二) 每周六晚 7：30 — 9：30 (限20名)

二、叩稟個人資料：

(一) 姓名、出生年月日、時辰(以農曆為準)


地址、電話。

(二) 來函叩問者，須字體工整詳細填列叩問事項，不詳者恕難受理，請諒察。

(請附回郵信封及郵資)

三、叩問項目：(每人叩問限二項)

1. 身體
2. 事業
3. 運途
4. 婚姻
5. 功名
6. 家運
7. 姻緣何時至(未婚者)。
8. 查前世因果、功過。(在學學生恕不辦理此項)
8. 姻緣何時至(未婚者)。
9. 親人過逝後在陰間情形。亡者須滿百日後始可叩問，請詳填亡者姓名、逝世時間和享陽壽幾歲。(此項由陽世子孫代為叩問，叩問者須填個人資料)
10. 疑難解惑。



本宮濟世叩問小啟暨班車時間

本宮社為方便前來朝聖及未開車之信眾大德上山叩問，特於濟世時間在南港捷運站2號出口及中央研究院公車站備有本宮專車接駁，班車時間表如下：

上車地點有二處：

1. 南港捷運站二號出口（出口右轉公車處候車）：
星期六下午 5:50 分。
星期日上午 9:50 及 11:20，下午 1:20 及 3:20 分各一班
 2. 南港中央研究院公車站牌（郵局前）：
星期六下午 6:00 分。
星期日上午 10:00 及 11:30，下午 1:30 及 3:30 分各一班
- 下山：時間請洽本宮服務台。

備註

前來本宮之大德，也可搭市區公車 212、205、270、306、276、620、645、指南679號及休閒公車 113 至中央研究院站下車後，依上列時間表準時搭乘本宮專車，逾時不候，謝謝合作。

修緣關心您

※修緣秉持宗教「耕耘播種」的信念，為人類做最大的服務。

※修緣是一本綜合宗教修身勸化叢書，為人們提供美好的生活遠景。

※修緣關心您，更需要您的關心與參與。

修緣是一本只送不賣的綜合刊物，只要一通電話或來函索閱即贈。

修緣需要您的支持，無論是精神或財力上的支援，我們都珍惜。

※如蒙隨喜助印，廣為流傳，我們衷心感謝。匯款請利用郵政劃撥。

讓沒看過善書的人，都能看，是我們的責任；讓不想看善書的人，都想看，是我們的目標。讓我們共同奮鬥，使修緣光輝普照黑暗角落。如欲助印善書請到各地郵局利用郵政劃撥第一五三一—二五五號修緣雜誌社收。或以匯票、支票、禮券、現金袋寄達，功德無量。

警世末劫 / 護國九天宮忠孝堂著.

--新北市:嘉德文化,民103.07

面: 公分

ISBN 978-986-81728-8-3(平裝)

1. 勸善 2. 修身

192.9

103011408

◎非賣品 歡迎索閱助印
警世末劫

中華民國一一年十一月 再版

發行人:黃淑鳳

出版者:嘉德文化事業股份有限公司

著作 者:護國九天宮忠孝堂

宮堂址:台北市南港區南深路九十一巷三十三號

贈送處:護國九天宮忠孝堂修緣雜誌社

社團法人中華儒道研究協會贊助

電話:(〇二)二七八六五四九四〇五

傳真號碼:(〇二)二七八三二四二五

郵政劃撥:一五三一一二五五修緣雜誌社

登記處:行政院新聞局登記證局版台誌字

第七九二號

郵政:中華郵政台北雜字第一二五七號登記為

雜誌交寄

網址:www.jiutiangong.com

版權所有·請勿翻印



《關聖帝君覺世真經》：

敬天地、禮神明，奉祖先、孝雙親，
守王法、重師尊，愛兄弟、信朋友，
睦宗族、和鄉親，敬夫婦、教子孫。



護國九天宮忠孝堂
Hu-kuo Chiu Tian Temple

台北市南港區舊莊街二段122巷30號
NO.30,LANE 122,SEC.2, JLOW-JUANG ST.,
TAIPEI TAIWAN,R.O.C.
TEL:02-2786-5494~5 FAX:02-2783-2425
www.jiutiangong.com

嘉德文化事業股份有限公司出版

ISBN 978-986-81728-8-3



9 789868 172883